

掖縣全志

藝文

冊書堅

300
1410.99
344.1
215

掖縣志卷之八

知掖縣事燕山張思勉韋軒氏輯

考

海廟祀典考

明任萬甲

東萊郡城之西北十八里海神廟在焉規制宏闊不知創於何時然祀典攸存其所從來遠矣蓋四海於此乎匯同則固有神以主之其在東方者謂之渤海通靈虹王百谷尤為最鉅焉考諸皇帝祭山川厥典聿重舜東巡狩望秩於山川已有祀海之禮矣其在三代禹元圭

掖縣志

卷之八

藝文考

一 古冊卷二

以告成功湯大告於山川神祇周制建四望壇亦必於海焉祀之不然何曰三王之祭川也皆先河而後海魯僖公卜郊不從乃免牲猶三望所謂三望者海固在乎其中齊侯禮羣神海加以牲帛但昔皆秩望未有往祭者迨始皇即位之三年東遊海上漢武惑方士之言臨海以望蓬萊意者二君始親祀焉若以海為百川之大令官以嚴時祀則宣帝之詔也恢復之後即祭海神四瀆則光武之命也晉成帝遣使以祈禱隋祭東海於會稽斯時未聞其有廟唐武德貞觀之制四海年別一祭

注用太牢祀官以當界都督刺史充之憲宗元和中廟
祀南海韓愈爲記又封東海爲廣德王獨無廟祀即宋
臣嘗曰本朝沿唐制萊州立祠卽此推之則廟建於唐
不亦爲可信哉自是而後皆因舊以增飭之爾俗傳宋
太祖微時至海上每獲奇應及卽位乾德六年有司議
祭東海使萊州以辦品物開寶五年詔以縣令兼祀事
仍籍其廟宇祭器之數於受代日交之六年大修海廟
規制煥然一新仁宗康定二年又封海神爲潤聖廣德
王徽宗遣使祭東海於萊郡孝宗時太常少卿林栗請

掖縣志

卷之八

藝文考

二 堅三

照國初儀立春以祀之宋未嘗不以海廟爲重元入主
華夏至元辛卯加封廣德靈會王至順壬申及至正四
年大加增修而奉使致祭者或齋金幡或齋銀盒每爲
不絕我太祖高皇帝御極之初謂嶽鎮海瀆俱受命於
上帝幽微莫測固非封號之所能加乃去王爵止稱東
海之神蓋葦元之濫以從其實誠邁歷代而莫之京矣
更遣使降香歲以春秋致祭廟始修於洪武乙卯再修
於宣德乙巳並甲寅至成化乙巳大加修葺如今制皆
有司事也觀其廟貌可以仰見聖代祀事之重且慎如

此云

徐岳考

明 畢拱辰

余嚮昔手翰唐諸史中考山水人物關涉藝事者輒瑣錄之以補異時郡乘之遺闕藝文志載徐君名岳者著
 有數術記遺九章算法諸書近時所行九章算隱俚不
 文或徐君遺意當日手載定不止此數術記遺前歲得
 之雜編中中皆捏算成法備記與劉會稽問答微旨即
 未滿百言而古削質與思緯淹通依然東京丰骨甄司
 謀代為解義旁引曲證致足瞻詳不愧徐君功臣矣漢

掖縣志

卷之八

藝文考

三

堅三

靈帝時太山劉洪按數術成算造乾象歷方之前法特
 為妙合親授其法於徐君徐君承受師說殫精潛思其
 歷象端委未易悉究考晉書律歷志載徐君課晦朔望
 望日月交食五事損益斗分之多少消息加時之遠近
 韓太史術詘於黃初徐君同時有鄭公元者吾燕之高
 密人亦受乾象歷法於劉會稽以為窮幽極渺更加註
 釋但范蔚宗陳承祚不為徐君立傳以故世系出處湮
 沒莫考然讀記遺所載頗悉其槩君東萊人生炎漢末
 造當颺飛霧塞之期高鳳舉鴻冥之操身將隱焉用文

假令當日分方伎一座恐亦徐君所夷然不屑耳易曰
執之用黃牛之革莫之勝說徐君有焉又曰澤中有火
韓君子以治歷明時徐君有焉

掖水考

國朝 張祖述

掖水發源寒同之說始非也寒同有二泉焉一出西麓
高望峯之陰北流爲南七里河涉棘林頭匯掖西河一
出東麓洞後澗曰光水北流西折涉棘林頭匯掖西河
其上流兼納十里河引濟泉谷口泉統歸掖河下流入
於海掖西河一名遠西河與掖水派別掖水之源蓋出

掖縣志

卷之八

藝文考

四

堅四

大基府志云發源寒同殆誤以光爲掖耳光州以光水
名水距光州故城二里許掖水今沒故城隅有遺址可
覆若今掖水係光水當年之光城豈不委基於河耶必
其時掖流甚細脉脉於故城關巷溝涂間故建城於北
而以光水作關外襟帶考前志有緣避河移建今城之
文則當年掖水之微細可知而其非光水也益明通志
云掖水接乎南陽今河南岸南陽關唇齒密邇且云
接南陽水嘗云接掖西也元李本魯園池志云南面神
山北臨掖水詳其故墟卽今河南蒜園莊河流其北其

爲掖水鑿鑿可指其源於大基亦可步步按也泝而尋
之源山大基之腹卽八景所謂大基名泉者河汨自西
南口流出西折並納南麓支流涉飲馬池過東嶺達南
城如肘腋之附麓北折攜掖西河趾福山祿山引五龍
泉至史河入於海故掖水之委過城南而西會於光乃
襟光與掖西河爲同流而其源於寒同者豈掖水哉邑
之鄉先生恒云前志訛謬相沿不加核余連騎按之而
信因亟爲辯之

掖縣志

卷之八

藝文 考

五

堅五

湖汝辯

明 畢拱辰

自古論潮汐者多矣山海經謂海鱗出入之度釋典謂神龍變化所致葛稚川謂天河激湧洞真經謂地機翕張盧肇謂日入於海灼激而成以上諸家或誕或支總非不易正論也海嶠志謂隨月盈虧余安道謂水往從月封演謂月周天而潮應頗為近理惟陰陽遺書及高子格致所載信而有徵遺書謂月為太陰之精水之母也月之所到氣相吸受故其將出地將入地特切近海

掖縣志

卷之八

藝文 辯

六

處水必上捲而直立夫有餘隨月不足必在海是為水退而潮落及月出地遠而至上天之中入地遠而至下天之中月氣漸緩前之捲立者仍散而還歸於海始之不足今成有餘是謂水長而潮生故朔日午時月在上天中子時月在下天中潮候應子午至望日子時月在上天中午時月在下天中潮候亦應子午至以後月行漸縮潮至漸遲可以例推月行不愆是以潮度不忒又海潮有大小因月莫盛於秋故潮亦莫大於秋且伏秋之際東南經毒雨西北消積雪此時水行甚壯潮故大

至隆冬反是水形甚涸潮故小格致云各方之潮不同
因海濱地有崇卑直曲等勢海底之洞有多寡大小故
也又月之德雖足發潮但各方各海之勢不同不足應
月之德故潮勢亦不同焉又論海潮之益有三一免腐
朽之患蓋水久注不朽也一以清外聚之垢蓋諸物由
汪河入海潮長復發吐之一以輔舟船漂渡之事潮長
則從海易就岸潮退則從岸易入海二儒之論皆能發
昔所未發故約畧錄之知蠡測者之可笑耳

卷之四

予嘗聞之曰其知此典之盛乎蓋自吾伯石溪公發科之
公亦閒出獨此時出教於外庠者數十人師儒請業
歸集魚貫吾萊之奇也予思其故若欲言而未得毛柏
子贊之曰其知此典之盛乎蓋自吾伯石溪公發科之
三續掖縣志 卷之四 藝文 說 三六 陸八
前英俊相項而出嗣後三科者乏人幾十年有餘天地
之氣自有成數不洩於此則洩於彼此金紫輝煌之秀
轉而爲香年碩德之瑞也即今日之人事以驗已去之
天運不其然也若兄撫掌大笑曰柏子之言有是
哉予乘醉而又賦言曰柏子之言往也往無用續吾萊
之士志行備潔趨向相直故一出庠序即爲精修之謀
仍雍雍於禮樂如豆之所而獲善先伯者不及心焉儒
之所以多也山川所孕海嶼所孕入得之故秀而美
也予又聞之九壑之芝下有魯靈商丈之楮下有餘蔭

公既端其志向於今日則詩書衣鉢浸浸漬漬在
於後人乎少閒月沈柏暗岩翁醉扶小力而回柏子亦
酌矣不數日聞諸老翁會於缶山之陽條例甚嚴節
開約松岩實爲之長又請年邵德迴者二三人入不拘
拘於廣文也夫若翁其感於予言而爲會乎其將卽此
會而廣其意於無窮乎會既久諸情暢然於山之巔水
之涯月之下酒之中乃命畫工繪之爲圖名曰海濱十
老十老之外有一老者乃深齋兄尙在官邸諸老思之
預爲屬以俟之圖成示予以記之予乃展圖而觀眉則
三續掖縣志

卷之四

藝文志

七

堅九

龐矣首則皓矣顏如蒼松色如嫩竹衣冠奇偉其先秦
源洞之人乎其南山茹芝之人乎其邛橘之弈壺中之
日月矣乎圖之中投壺之東者松岩王公上林也西者
東園周公命也雅歌奏矣中孰多矣對琴乃王深齋公
之諱則潭左則諱廷賓北崖王公乎右則諱大亨杏泉
張公乎志之在於山在於水聽之者果如對者乎彭雙
埠有恆公讀史而中秋溪公在左而名清氏張西岡公
在右而名寶氏方其嘉樂於羲皇而慨歎於秦漢者志
可尙已戲爭於棋局者蓋齋張公佐山泉王公津却

何不聞棋子之聲其爭也君子觀棋而不語者理也姜公對山遙默而得之焉以人對象卽象審人恍忽不可爲一畫工其良者乎畫卽人矣人卽畫矣不可以畫爲假不可以人爲真畫因人而成厥象人因畫而永厥傳不可以畫爲糟粕不可以人爲贅屑飄飄乎颯颯乎形神兩忘列禦寇乘風御虛莊蝴蝶扶搖於九萬之上者乎把酒對象自心而悅見象而成象非我而我非象乎每會設象於前坐人於後自爲賓主自爲勸酬造物者之於此其獨縱之矣乎會已五載皆踰七望八之年而三續掖縣志

卷之四

藝文 說

天 堅十

神健氣爽飲食勝壯且甚一日無會不會無會不完天之縱於諸公者其厚矣乎諸公其自珍藏以答天之厚如圖之常存於世以傳於諸公之雲仍而知今日之盛時下元甲子歷壬戌歲太白初合瀛洲第一宮主人兼管蓬萊方丈海上諸山各宮仙籙沖霄采真子別號小溟王肇林漫題

信陽城濠水道說

劉文璣

掖境大基寒同馬鞍諸山峙於東南而海環其北故水皆西流北
 折而入於海地勢然也其城東一帶山潦暴漲趨城而西者水分
 三條南條之水自釜山徑花園溝劉家窪抵善人橋入南內濠西
 流折而北至西北交水口又西過龍公渠入掖西河北歸入海北
 條之水自雙鳳山西流又分三股徑五里庄南北兩村同滙於東
 門外沙溝迤北入內濠東北角繞城而西至西北交水口與南條
 水滙同歸入海中條之水自三里嶺西流又分兩股北股直抵沙

續掖縣志

卷四

藝文 說

天

堅十一

溝與北條水合南股至迎仙橋南與南條水合此建城以來水道
 自然之形勢也我朝康熙二十年郡守柴公於迎仙橋南築長隄
 遏南條之水令不得入內濠始漸溢而北又浚外濠引北條沙溝
 之水由迎仙橋南下入南掖河而水道一變水既失其故道秋潦
 緩則南下秋潦急則北溢至康熙五十一年署郡守楊公復於沙
 溝西北厓築堤以防之然下流既壅則上流必泛劉家窪五里庄
 等處民田受患者各行杜截久之并各上流故道亦多私行杜截
 以便田廬而南北中三條之水盡逼入沙溝矣每逢秋潦不及南
 流泛溢冲刷破堤防壞塚梁城北一帶為害轉甚乾隆二十年縣

尹張公重加修築令水南下然南掖河山水漸大積沙漸高外壕淤墊地勢南高於北沙溝之水不能南下仍漫溢北行爲如故至乾隆五十九年縣尹湯公議將沙溝之水順入內壕於溝壕相通處建懸橋砌水口並濬北壕及龍公渠業經興工旋中止嘉慶三年署縣尹裴公重濬外壕欲仍引水南下而水終北溢不可南民勞財費訖於無功嘉慶九年余始莅茲土見城東北壕外堤岸坍塌向北大道半成深壑即博采羣議親行履勘竊以治水之法宜順水性掖境東南多山地勢本高西北濱海地勢本下水性就下則沙溝水道當纔北壕西行入河歸海乃自然之勢無容續掖縣志卷四

藝文

說

完

堅士一

疑者爲今之計宜就其冲刷處砌水口建懸橋以順其勢復濬東北內壕使能容納而於龍公渠等處俱加修浚使下流無壅則上流自不能爲患矣詢於邑之紳士亦僉同斯議但以工程甚鉅經費不敷因循至今有志未逮夫治水不順其性雖苟便一時終不可以經久余忝任守土敢不爲地方定久安之計哉爰爲此說俟稍暇當圖成焉

辨

沙邱辨

侯登岸

萊州掖縣城東北二十五里有沙邱城宋樂史寰宇記載為始皇
 崩處齊乘以為附會郡縣志不察齊乘之文皆因寰宇記之說故
 辨之按史記秦始皇本紀始皇從雲夢上會稽北至琅邪自琅邪
 北至萊成山再至之罘遂并海西至平原津而病崩於沙邱平臺
 正義曰今德州平原縣南六十里有張公故城城東有水津焉通
 鑑綱目集覽曰漢置平原郡屬青州今德州是夫自東牟至平原
 必經掖而掖之沙邱又當東牟之衝然平原在掖之西既至平原

再續掖縣志

卷下

藝文 辨

三

堅三

又安得復東回而崩於掖之沙邱哉史記注沙邱去長安二千餘
 里趙有沙邱宮在鉅鹿通鑑綱目李兌弒主父於沙邱質實曰沙
 邱在順德府平鄉縣紂築沙邱臺秦始皇東巡回崩於沙邱皆此
 處則諸家之注明於列眉乃復妄為附會以掖之沙邱當之不亦
 疎歟寰宇記於掖之沙邱既指為紂所築始皇崩處於平鄉之沙
 邱臺又引皇甫謐帝王世紀為紂所築末引十三州志秦王東巡
 回死於沙邱兩地相同是自相矛盾也商紂所築之沙邱亦在鉅
 鹿見漢書地理志始皇崩處既非掖之沙邱則商紂所築非掖之
 沙邱不辨自見大抵後人樂於存古每因地名牽強附著如萊之

昌邑在漢爲都昌與楊伯起所經之昌邑無涉後人乃於其地築
四知臺尤屬可笑若掖之沙邱實爲始皇所經過指爲其崩處猶
差爲近理而不可以不辨

再續掖縣志

卷下

藝文
辨

臺

堅高

議

海堤議

孫典曾

從來天地之利未有不由人力者白渠鄭國其前事矣如西由一
鎮東爲龍泉河西爲萬歲河港水在其北港與海爲消長余幼至
海上港水深處可及馬腹今則不能受水海潮大至每四出而不
可禁此竈民之大患也余聞浙之寧波温州海波時溢又江南淮
揚亦常苦海溢而況西由之當其衝者爲尤甚哉西由烟火萬家
高原不及千頃皆仰給於竈地潮水一至則禾黍盡萎而田成斥
鹵矣余嘗細按地勢非濬港不可蓋濬港則港可以受潮而港中

續掖縣志

卷四

藝文

議

三

堅五

之士堆於南岸大其下小其上築以爲堤高可一二丈使海潮不
得南侵而竈民之疆理可保此久遠之利也况竈民所墾熟田悉
在龍泉萬歲二河下流單山以北皆斥鹵也若築堤以捍海潮東
起吳家莊西至三山口開地可三千畝再引龍泉萬歲之水以溉
之安在斥鹵不可田而秔稻不可長也或謂古無修海者余謂此
治河非修海也濬港以受潮引河以溉田此講求水利也昔杭州
江海之地水泉鹹苦唐刺史李泌引湖水以灌之後竟淤塞爲
井大患白居易浚茅山鹽橋二河以茅山一河專受江湖以鹽
橋一河專受湖水復造堰閘以爲湖水蓄洩之限此非其明徵與

又晉虞潭脩滬瀆壘以防海沙北齊杜弼行海州事於州東帶海起長堤外邊鹹潮內引淡水元烏古孫澤以雷州近海乃教民浚故湖築大堤塢三溪瀦之醜爲渠二之四時其啓閉得良田數千頃此又其前事矣古行之而效今行之而不效無是理也或又謂築隄捍湖三山島人路不通奈何余曰高沙海口之側原有石橋如東西築一長堤則於單山下開一通衢使由堤上行由堤而西至石橋逐海陸行則車馬可通而不管夷虞矣或又言潮水時來兼以秋潦不無侵損今年築之明年敗之是勞民也余曰不然管子不云乎可衣者衣之可据者据之昔浙江錢塘之築由於錢武

續據縣志

卷四

藝文

議

三

堅六

肅王在爾時固謂民居永奠矣至我朝乾隆間有重修海塘之舉夫吾儕小人皆有闔廬經營於一日而不忘于茅索絢之苦者勤脩葺也會海堤而或昧然然則誰爲司其事者曰非鄉耆有德望者不可竈丁皆有草蕩地若干畝又有荒廢鍋若干口稽其地稽其人稽其賦因賦而畫地因地而役人地之多者役幾人地之少者役幾人孟冬之月農務已畢合萬姓而共築之堤成則開阡陌通溝渠引河水以灌之又恐隄之或有敗壞也則立一規條按時脩補吾見萬歲河兩崖人家十月成梁家出夫戶出錢無不聽命於執事者曾大利之所存而惘惘也余每檢史冊興言及此未

嘗不以爲海方大利之所存至於審曲面勢斟酌損益則惟司其事者任之

續掖縣志

卷四

藝文

議

三

堅志

跋

光州刺史先君詩刻跋

北齊光州官僚

大齊使持節都督光州諸軍事車騎大將軍儀同三司
光州刺史鄭述祖字恭文卽魏鎮北將軍秘書監青光
相三州刺史文恭公滎陽道昭之子魏大鴻臚卿北豫
州刺史司空掾巖祖之第三弟先君之臨此州也公與
仲兄豫州牧祖叔弟光州尊祖季弟北豫州順祖同至
此鎮於時公年始一十雅心琴文登山臨海未嘗不從
常披鹿皮裘子此州人士呼道士郎君及長官歷司徒

掖縣志

卷之八

藝文跋

八

二十六

左長史兼履尙書三爲侍中滄瀛冀相懷竟行正恒
十州刺史公之所撫莫非大藩言及光部恒加欽羨得
追前蹤誠所願也後以此夏斯願方遂忻慰登途若歸
桑梓入境歎曰吾自幼遊此經今五十二年昔同至者
今盡零落惟吾一人重得來焉於是增感強不自持因
南眺諸嶺指雲峯山曰此山是先君所名其中大有舊
迹未幾遂率僚佐同往遊焉對碣觀文發聲嘆塞臨經
百字興言淚下次至兩處公詩之所對之號仰歿深歿
碑左右悲感傍人雖復曾閱之誠詎能過也但刻

詩歲久字皆癯落竇從尋省莫能識之公乃曰此詩吾
雖幼小略嘗記錄此當是與道俗十餘人論經書者遂
口授百餘言諸吏得此乃共觀拂從首及末無一訛舛
久之方昇於此此處名曰山門左闕乃仰觀斯峯曰此
上應有九仙之名卽遣登尋果如所說此山正南四十
里有天柱山者亦是先君所號以其孤立平雲傍無嶠
麓因以名之其山上之陽先有碑碣東經石室亦有名
額此地東北一十二里大基山中復有雲居館者亦是
先君所立其四壁之上鐫記不少悉有誌錄殊復可觀

掖縣志

卷之八

藝文 跋

志

堅光

今日臨此略陳彼意冀共尋宦迹諷誦詩言懷先君之
休風遺愛在人神依山川往來雲霞之表情悅可追我
公純孝繼芳茲州不忘先君登臨觀省一一記憶示我
賓僚得觀型模益懷舊德爰以他日南登天柱之峯東
歷大基之山石室雲居徧尋仙跡錄其詩銘頌志以示
國人以傳子孫公之遺徽爲不泯云

書毛荆石平叛記後

國朝 嚴有禧

明懷宗五年孔李之亂萊陽七月而始解其事之首尾
與真人之勇怯忠僞爲功爲罪毛子一書言之詳矣

予獨悲夫楊彭二公之偉烈而生不酬功死不廟食
之掩卷而太息也楊名御蕃武襄公肇基子以副將加
總兵銜駐通州彭名有謨以遊擊統川湖兵駐旅順皆
應調赴援者當日居此圍城之中禍變迭生外援不至
孤城危如累卵而卒免於殘破者實惟二公之力焉願
其迹有顯晦其功尚不能大白於天下是以不得不推
其流極而論之方二公之入城拒守也主客兵不滿五
千而賊率數萬之衆乘累勝之威憑城壓攻視如摧枯
拉朽乃始則環兵數重奮勇格鬪飛矢雨集礮石疊發

掖縣志

卷之八

藝文 跋

十

堅平

繼則築高臺駕雲梯穿地道直欲滅此而後朝食卒之
智竭力殫士卒死傷如積而城屹不可拔非二公之協
力捍禦奮不顧身而能若是乎以視王洪劉國柱輩同
受援師之檄臨敵而狼奔鼠竄其功罪相去何如哉然
此猶其顯而易知者惟當撫局債事之餘防撫虜矣內
府囚矣太守殺矣一時人心崩潰恟懼不知所爲登陴
者亦皆如鷲豕駭鹿震驚矢斃莫保旦夕之命而賊方
鳴張得志乘隙而肆其猖獗勢且百倍於前當此之時
二公一搖足則全城齎粉矣乃忠義所激智勇奮發於

諸公違衆議入賊營之時逆知其禍之不測則先密
槍礮預爲之備及至變起倉猝則內固民心外摧強寇
盡禦守之能事而保危城於垂破之時其功不尤偉歟
匪直此也萊雖僻在東方實關全齊之命而繫天下之
安危賊之所以不敢長驅而西者誠恐歸路中梗絕其
咽喉故長圍不解浹月累旬賴二公爲之繫其足是以
終不能越萊城尺寸否則青濟以西臨德以北既無重
臣爲之控制又鮮堅城宿將可以當其衝而扼其吭勢
必至蹂躪三齊震驚畿輔天下事尚忍言哉觀其回戈

東指時所過郡縣望風瓦解殺命吏戕百姓固已然之
明驗也嗚呼二公之於萊地非桑梓也職非守土也以
孤軍客將值此大吏喪亡兵疲食盡之秋而乃志益堅
氣益奮枕戈宿甲誓共存亡計其沙河破賊監紀臨城
之日距謝朱兩公授命時又幾兩月矣而卒全萊州一
塊土以還國家則其始終戰守之烈不幾與唐之張許
比烈乎昔柳子厚論睢陽之事曰俾其專力於東南去
備於西北力保於江淮而功靖乎醜虜而韓退之亦曰
守一城捍天下蔽遮江淮沮遏其勢天下之不亡其誰

之功也舉此以論二公斯得其大者吾意當以爲賞之
上賞勲酬庸必當留以通侯俾子孫世守之卽使不
而罹於罪戾猶將十世宥也乃中傷於忌者之口不
過實授總兵尋中蜚語下獄矣彭不過量移參總尋
微嘗劾罷矣在二公當日既未嘗自伐其功而敘功
又不能審觀乎大勢而反覆推論之不獨功高賞薄而
罰遽及之且令千秋之偉烈晦而不彰此勞臣志士所
以灰心解體而國勢亦由之不振也獨是萊城十萬口
固日擊其裏槍飲血者也幸荷二公之賜得保首領於

掖縣志

卷之八

藝文 跋

三

堅三

牖下與家人婦子共慶更生此其德宜何如報縱使格
於成例不獲請祀暨宗亦必立廟郊原烝嘗百世頌二
公之德不衰乃余莅官茲土諮訪故蹟則惟朱太守與
徐謝二中丞之遺祠猶有存者而二公之明禋闕焉夫
登黃不守血流成川至今過其墟而弔之尙有言之隕
涕者而萊城無恙廬井依然二公之造福於萊過徐謝
諸公遠甚而乃上下百餘年間獨不得享廟食之報亦
可慨矣故余於改建遺愛祠時置主其中其累朝名宦
春秋享祀俾萊之人士於徘徊瞻仰之下追維往蹟不

至數典而忘其祖而又復推原當日之時勢以及二公之功在社稷而不獨在一郡者長言而暢論之附於毛子之書之後以大白其功於天下使後之人有以考焉雖然館閣諸公纂修明史既有毛子之書爲之徵信矣則二公之勲澤當已大書特書垂之不朽固無藉於祠之祀與余之文而余猶區區於是者亦聊抒此表章先賢之志已爾

善政圖跋

毛 贄

善爲治者不外仁育義正兩端然仁不規以義猶徒善

掖縣志

卷之八

藝文 跋

三

聖王

也故尼父稱東里氏曰惠養而義使明乎寬猛交濟威愛兼施仁育義正並行而不倍者也我邑侯張大宗師從龍世胄闕閎名家弱冠躋巍科清書通 帝座才齊燕許學並張邵其於善俗宜民之術固已燭照而數計矣一行作吏出宰朝邑尋以治行高等擢牧掖海公之蒞掖也在乾隆庚午時疻蝗萌滋公至蝗不爲災次年潮水泛溢漂沒鹽場蠲賑而竈不傷感召天和歲以右秋然猶未忍遽用吾民也適 詔葺東海神祠塗墍丹雘備極壯麗而民食民力充足自如誦言曰金湯所以

衛武萊城自永新龍公版築後百五十年於今矣愚
刻削風雨剝蝕不補苴之勢且朽山水擊齧濠無停淵
不疏濬之久必平且郡東多崇山峻嶺潦水西流正抵
東城之衝舊有引河歲久壅闕不排其流濠不可治也
瀾之南下復隍無患矣濠之西北減水一閘亦治自龍
公旁多良田愚民嗜利慢其經界溝渠湫隘水不暢流
每濠水盛長漫溢四出公深之擴之俾行濠安流而曲
達於海其濠內外及引河左右遍植柳株浹歲之間枝
柯相亞鬱蔥彌望不減春陵公又曰砌衢之坎陷多梗

掖縣志

卷之八

藝文 政

古

堅三古

也則補之側街之短垣非制也則撤之迄今如砥如矢
誰之力歟而地勢之最爲民病者無過演武塲前之橫
道水奪夷坦墜爲深塹兩岸居民對面千里且當閱武
之期諸師武臣率由僻徑伍隊周章公實以堅土甃石
砌徑立水口以入濠人步康莊焉士者四民之首黷宮
不飭欲興行教化無由也鳩工庀材達觀攻位或創或
因大成殿櫺星門昔所有也公聿新之尊經閣更衣廳
舊所無也公建置之爰及博士有居庖漏有所輪奐之
美海上七十二城無此偉觀又於公事之暇單騎減從

親歷茹簷詢疾苦查保甲由是民隱無不知輿情無不
悉庭鞫之下聽斷如神成民而後致力於神先農壇梓
潼殿及朱太常祠以次修復並及徐謝若楊彭二將軍
於萊有再造功都人士久欲脣劉未能也公增崇其廟
貌而大啟其土宇奉瓣香者此州鮮不啻睢陽之祀巡
遠焉其順民欲有如此者然此特其落落大者其他善
政固難更僕數也蓋公以佚道使民雅不作權虞小補
之治違道以干譽若我公者其真仁育義正之君子乎
掖人戴德者七年服其威沐其愛菊秋九月爲公覽揆

掖縣志

卷之八

藝文 跋

五

之吉本公之善政繪圖如干幅各繫以詩用代華祝昌
黎公不云乎稱人之善必以其事觀之今圖中所繪皆
公蒞掖實政也以實政事 君則 天顏有喜以實政
治民則民悅無疆膺膺仕享遐齡固將操券卜焉我掖
人亦可云善頌善禱矣遂彙括其事而臚於簡末亦竊
取蘇文安記張益州畫像云爾

跋

先太常殉難畫冊跋

朱述文

先六世祖贈太常公明季守萊羅孔叛之難事平後民間得遺體半臂卽殉節地墟像建祠尸而祝之意蓋良厚第子孫相去數千里不能歲時灑掃以申追遠之思僅於雍正丙午間伯祖秀軒公間關一謁祠下迄今歷八十春秋矣述文稚魯樛昧伏處里閭恒以祖德久湮廢每思搜考本末載之家乘有志未遂邊然如抱深憂會與舍弟鳳翔之官甘肅得交於衣言王君君固萊人縷述其土尚思吾祖於不衰述文遂決計裹糧來拜皇祖考王君時亦欲

續掖縣志

卷四

藝文

跋

三

陸天

歸里稱媿同行至則瞻仰廟庭解裝丙舍八月之望其地縉紳長者大合樂俾小子執爵肅禱將煮蒿悽愴憫然想像不禁泣下沾襟祠兩壁舊繪當年守禦諸圖漫漶不治前歲太守鄧公至始葺而新之於是王君與毛君北溟李君勺洋等共延高手段劉二公臨墓諸迹凡四十策以授述文歸藏家廟傳示吾子孫並乞當道命官旁及士庶作爲序略詩歌無慮數十百首洋洋乎可謂盛矣夫事之顯晦有待而人心之尚義爲尤難越百七十年卒播休烈於桑梓豈非適逢其會哉故知得遇王君者吾祖之靈也樂成人美者北溟羣彥也且又幸際吾鄉之望爲太守而畫壁不爲土質

也披圖盟手而記之誌幸也誌威也貴嘉慶元年歲次乙丑至十八
既望

續掖縣志

卷四

藝文 跋

讀

聖

河內縣災傷圖跋

明王 漢

右十六圖乃去年三月內進覽圖也距今又十三閱月向以合門
 死為異今大村密鎮素號數百家竟有合村合鎮餓死者矣向
 猶偷食人肉今四野公然以人口為飯道上非結隊十數人不敢
 行或孤蹤行則饑民盡拉去為口糧矣向道傍猶有棄子今父母
 欲棄則曰我費辛苦養兒女奈何不自飽徒供人飽父母各自能
 食其子矣向以姪食叔肉為異今有親骨肉活殺親兄弟姊妹親
 生子活殺父母食者矣慘荒之狀日變日甚比來瘟疫大作無一

再續掖縣志 卷下

藝文 跋

三

堅天

家得免即極少壯二三日輒死河內區區之民餓殺不盡者疫又
 將殺之臣為長吏無誠格帝無策救荒百姓死長吏偷生漕米催
 科不能為百姓請命有此三大罪冀皇上加臣斧鉞臣從饑民於
 地下臣死無憾臣無任痛哭之至崇禎十四年四月初九日臣漢
 謹稽首手跋

萬歲瓦跋

侯登岸

道光二年萊州城東北羅臺村土出一殘瓦上有萬歲萬歲四字
 案顧祖禹方輿紀要曰萬歲河在萊州府東北三十里其兩岸即
 萬里沙也秦始皇漢武帝皆嘗禱此又引三齊記水北有萬歲亭

頌

祭告海神廟頌

國朝 李振裕

望大壑兮渺無際
 洪濤洶兮烟霧翳
 狀杳冥兮舞澎湃
 天輪轉兮地軸挾
 晉輿輿兮普德施
 獄效珍兮海貢瑞
 詔有司兮供歲事
 春秋舉兮享不墮
 明察盡兮廣孝治
 勅崇官兮虔致祭
 扶桑暎兮朝氣霽
 靈之來兮光彷彿
 雲為車兮星為駟
 風蕭然兮左右至
 翠龍夾兮蒼蚪侍
 躬再拜兮奉圭幣
 嘉粟薦兮神其醉
 靈之去兮忽而逝
 貝闕遙兮珠宮闕
 織蘿靜兮銷霾曠
 海童潛兮馬銜避
 皇威暢兮百祿萃
 物惟錯兮駭厥類
 奉鮮食兮民物備
 華樓泛兮紛踔厲
 南金鄰兮比百濟
 王命宣兮無阻滯
 魚商樂兮歌舞世
 降福穰兮神哉沛
 於薦享兮永世世

掖縣志

卷之八

藝文 頌

六

國朝

祭文

祭呂成公文

明 吳道南

嗟惟先生歿已五百餘年矣而流風餘韻敬仰於後生
俎豆於邦人者今猶耿耿如在焉道南自束髮時卽誦
習先生遺書知先生之學以河洛爲正宗以朱張爲準
的而其從受於家庭超悟於資稟以底於成幾於賢者
則又先生之獨得而有非他人所能與焉矣是故推其
有足以尊主庇民出其餘足以範俗垂世而晦菴之贊
允爲確論扶持絕學有千載之功教育英才有數世之
掖縣志

卷之八

藝文 祭文

七

卷之三

澤而西山之許固非溢辭夫東萊先生之祖爵邑也先
生曩以自號而萊人爰闢書院以彰崇奉亦既有年道
南忝以臬貳駐節茲土倏匝一歲祀事未修此心茫茫
真如有失謹涓是晨展禮祠下式表仰止之思且以風
勵萊之諸生俾庶幾於先生之道知所尊信而或能仿
彿其萬一則道南之望於先生鄉人者亦不孤矣

賦

海賦

晉
木華

昔在帝媯巨唐之代天綱淳滯爲凋爲瘵洪濤澗
里無際長波潛灑迤涎八裔於是乎禹也乃鏹臨崖
阜陸決陂潢而相波啓龍門之峯嶺巖陵巒而斬鑿羣
山旣畧百川潛潔決滌潏潏騰波赴勢江河旣導萬穴
俱流倚拔五嶽竭涸九州瀝滴滲淫蒼蔚雲霧涓流滋
灑莫不來注於廓靈海長爲委輸其爲廣也其爲怪也
宜其爲大也爾其爲狀也則乃激洩激灑浮大無岸泚

掖縣志

卷之八

藝文 賦

六

堅

融沆瀣渺瀰浹漫波如連山乍合乍散嘯翕百川洗滌
淮漢襄陵廣曷漻漻浩汗若乃大明撫轡於金樞之穴
翔陽逸駭於扶桑之津影沙巖石蕩颺島濱於是鼓怒
溢浪揚浮更相觸搏飛沫起濤狀如天輪膠戾而激轉
又似地軸挺拔而爭廻岑嶺飛騰而反覆五嶽鼓舞而
相槌澗瀆淪而瀋潔鬱沍迭而隆頽壑瀆而成窟澗
漚濞而爲魁澗泊相而迤颺磊芻芻而相颺驚浪雷奔
駭水迸集開合解會灑灑溼溼葩華馥汪瀕溽漑潛若
乃霾曠潛銷莫振莫竦輕塵不飛纖羅不動猶尚呀

餘波獨湧澎湃瀾灤礧礧磊山巖爾其枝岐潭淪渤蕩成
汎垂蠻隔夷迥互萬里若乃偏荒速告王命急宣飛駿
鼓楫汎海凌山於是候勁風揭百尺維長綯挂帆席望
濤遠決向然鳥逝鵠如驚鳧之失侶條如六龍之所掣
一越三千不終朝而濟所屆若其首龍淵深虛誓愆祈
則有海童邀路馬銜當蹊天吳乍見而勢鬣蝟像暫曉
而閃屍羣妖遘迕眇騞冷夷決帆摧檣戕風起惡廓如
靈變惚恍幽暮氣似天霄變類雲布靈豈絕電百色妖
露呵嗽掩鬱曠以無度飛滂相礮激勢相沕崩雲屑雨
泫泫汨汨踈踈湛灤沸潰淪溢灌濟濩渭蕩蕩雲沃日於
是舟人漁子徂南極東或屑沒於鼉鼉之穴或挂罾於
岑嶽之峯或掣掣洩洩於裸人之國或汎汎悠悠於黑
齒之邦或乃萍流而浮轉或因歸風以自反徒識觀怪
之多駭乃不悟所歷之近遠爾其爲大量也則南滄朱
崖北灑天壙東演析木西薄青徐雜途溟溟萬萬有餘
吐雲霓含龍魚隱鯤鱗潛靈居豈徒積太顛之寶貝與
隋侯之明珠將世之所收者常聞其未名者若無且希
世之所聞惡審其名故可仿像其色變甄其形爾其水

掖縣志

卷之八

藝文 賦

九

堅三五

府之內極深之庭則有崇島巨鼇岬峴孤亭摩洪波指
太清竭磐石栖百靈颺凱風而南逝廣莫至而北征其
垠則有天琛水怪儼人之室瑕石詭暉鱗甲異質若乃
雲錦散文於沙洲之際綾羅被光於螺蚌之節繁采揚
華萬色隱鮮陽冰不冶陰火潛然燔炭重燔吹炯九泉
朱燉綠煙暖眇蟬蛸珊瑚琥珀羣產接連車渠馬瑙全
積如山魚則橫海之鯨突抗孤遊夏巖嶽偃高濤茹鱗
甲吞龍舟翕波則洪漣蹴踏吹滂則百川倒流或乃潛
蹙窮波噬死鹽田巨鱗揮雲鬣刺天顛骨成嶽流膏

掖縣志

卷之八

藝文 賦

三

聖書

爲淵若乃巖坻之隈沙石之欻毛翼產殼剖卵成禽鳧
雛離襪鶴子淋滲羣飛侶浴戲廣浮深翔霧連軒洩洩
淫淫翻動成雷擾翰爲林更相叫嘯詭色殊音若乃三
光旣清天地融朗不汎陽侯乘躋絕往觀安期於蓬萊
見喬山之帝像羣仙縹眇餐玉清涯履阜鄉之留鳥被
羽翮之縻纏翔天沼戲窮溟甄有形於無欲永悠悠以
長生且其爲器也包乾之奧括坤之區惟神是宅亦祇
是廬何奇不有何怪不儲茫茫積流含形內虛曠哉坎
德甲以自居宏往納來以宗以都品物類生何有何無

萊城賦

明龍文理

東萊古郡風號四塞埔隍歲歷久焉圯淤澄海波於清晏思備禦之宜籌資羨賦以更新用恢拓而制度事旣不妨於業力又不廢乎時經始已亥勿亟是求落成辛丑膚功以奏爰此求寧之德意適觀神速之宏模美哉山河之固金湯之偉也遂爲之賦其辭曰緊設險以守國翔金湯而作京雒維濤以扞圉務壯麗於干城內庸保障乎黔庶外實式迺乎禍萌噫頽德而不治疇者定以維寧維萊望郡寧海巨衝於維我明建國樹城雉櫓

掖縣志

卷之八

藝文賦

三

聖

星列塞堡雲屯七國環峙九衢從橫二百越禩雍熙泰平循因仍之故迹忽整頓而寡營方城半撤於風雨墜塊盡剝於塹阬乃溟海兮其伊邇奈鯨波兮其猙獰敢恃陋而不固昧守國之善經爰相爰度載斥載登鳩屯羣材廣厲百工蠲吉託始百堵聿興採鑿於山白石繚繚陶冶於穴甄甃綦綦撤屬垣之舊宇宏美麗於維新爾其爲狀也屹爾壁立巋然靈光宏衍門扇環列周牆奠石如麓締基斯皇甃築如巖縹緲逼蒼海旭曙啟虞淵蒼茫排高空而上出若游目於天閭疏九達之廣路

萊人歌

景公死乎不與埋三軍之士乎不與謀師乎師乎何黨之乎

觀海

唐李嶠

習坎疏丹壑朝宗合紫微三山巨鰲湧萬里大鵬飛樓寫青山色珠含明月輝會因添露霧方遂衆川歸

送東萊學士王無競

唐陳子昂

寶劍千金買平生未許人懷君萬里別持贈結交親孤

掖縣志

卷之八

藝文詩

三

松宜晚歲衆木愛芳春已矣將何適無令白首新

沙邱城下寄杜甫

唐李白

我來竟何事高臥沙邱城城邊有古樹日夕連秋聲魯酒不可醉齊歌空復情思君若汶水浩蕩寄南征

和賀蘭判官望北海

唐高適

聖代務平典韜軒推上才迢遙溟海際曠望滄波開四牡未遑息三山安在哉巨鰲不可釣高浪何崔嵬湛湛朝百谷茫茫連九垓挹流納廣大觀異嶂遲迴日出見魚日月圓知蚌蛤跡非想像到心以精靈猜遠色帶孤

嶼虛聲涵殷雷風行越裳貢水過天吳災攬轡隼將擊
忘機鷗復來緣情韻騷雅獨立遺塵埃吏道竟殊用翰
林仍忝陪長鳴謝知己所媿非龍媒

觀海

唐 獨孤及

北登渤澥島回首泰東門誰尸造物功鑿此天池源
洞吞百谷周流無四垠廓然混茫際望見天地根白日
自中吐扶桑如可扞迢遙蓬萊峯想像金臺存秦帝昔
經此登臨冀飛翮揚旌百神會望日羣山奔徐福竟何
成羨門徒空言唯見石橋足千年潮水痕

掖縣志

卷之八

藝文 詩

詩

蘇軾

過萊州雪後望三山

宋 蘇軾 賦

東海如碧環西北捲蓬萊雲光與天色直到三山回我
行適仲冬薄雪收浮埃黃昏風絮定半夜扶桑開參差
太華頂出沒雲濤堆安期與羨門乘龍安在哉茂陵秋
風客勸爾麾一杯帝鄉不可期楚些招歸來

答王定民

定民字佐才
後民弟也

宋 蘇軾 賦

關嶽奕奕滿銀鈎書尾題詩語更道八法舊聞宗長史
五言今復擬蘇州筆蹤好在留臺寺旂隊遙知到石
奇嵐鬚并繭紙請君草草賦黃樓

漢武帝築今此瓦之出適當其地其爲萬歲亭之瓦無疑然其語
史漢者惟有萬里沙祠萬歲亭則無聞其錫名之由不可知嘗參
考諸史編謂可臆度而得之漢書武帝紀元封元年親登嵩高吏
卒咸聞呼萬歲者三注應劭曰嵩高縣有上中下萬歲里又後漢
書黃瓊傳曰聞已度伊洛近在萬歲亭唐章懷太子注云萬歲亭
在今洛川故嵩陽西北武帝元封元年幸緱氏登太室閭山上呼
萬歲登者三因以名焉是漢武因嵩呼萬歲其傍遂多以萬歲錫
名者而漢書武帝紀太始三年登之梁浮大海山稱萬歲山之梁
亦曾呼萬歲矣豈又徒道無以萬歲錫名者乎其稱萬里沙也時
再續校縣志

卷下

藝文

七

三九

爲元封二年在登之梁山以首必爲迴之梁再經萬里沙因改名
其傍之水曰萬歲水兼築萬歲亭以志其事耳洛川之萬歲亭因
嵩呼萬歲而名史記封禪書漢書武帝紀郊祀志並不載僅見後
漢書注萬歲里亦僅見漢書注然則史筆所闕者甚多不得以史
書所不載而疑其不然也

登瀛亭

亭在光州城東南今廢

宋杜于民

北望滄溟大茫茫一氣開廻環知萬里縹緲認三山漢使何年彩星槎幾歲還蟠桃應已熟方朔在人寰

遊城西

明毛紀

陰雲如蓋樹如幃盡日遊塵不到衣鳥語春深回客夢人家晝靜掩柴扉可堪采芑心偏切似覺尋芳意未違夕照滿林餘興在坐看山色欲忘歸

海山亭次陳石亭韻

明藍田

危坐高亭白眼空碧波萬里接天東層層海市微茫上

掖縣志

卷之八

藝文詩

三

堅三九

點點齊山指顧中幾葉霸圖留往夢一番花信自春風濁醪輸與狂夫醉漁唱樵歌思不窮

登望海樓

明呂高

獨上高樓望海天烟波何處接神仙桑田吞吐雲霞結蜃閣虛無日月懸白雉不傳洲島貢浮槎欲上斗牛邊漢皇秦帝俱黃土元圃丹邱夢杳然

和北厓晚抵竹林寺

明張曉

地僻經行遠人閒入寺深寒菴語長夜瘦鶴戀空林月沼回燈影風簷下鐸音山僧供新茗聊爲洗塵心

送溫道士遊海上

明李 裴

我在金門裏長年歎陸沉聞君駕黃鶴欲往三山深樓閣海中市烟霞世外心獨憐縱嶺上幾日有來音

題趙文光中丞望仙樓

明徐 誨

靈源劃自洞天前闢府樓成署望仙豈必丹邱須大藥
遠看綠野引長年烟霞欲藉懸梯榻雪夜時行訪戴船
共道蒼生方在望東山明月莫流連

吳生窟室畫松歌

明孫善繼

吳生畫松真奇絕鐵幹龍鱗枝糾結風毛鶴颯看欲動

掖縣志

卷之八

藝文 詩

吳

孫善繼

陰崖六月生霜雪孤根踞石墜寒泉巖巖然縮出徂徠山
懸蘿挂薜惹烟霧歲深積薜古連錢疑是仙槎斗邊落
傳聞頻下青田鶴聞聽笙簧滌世情驚濤忽起轉相愕
吁嗟乎窟室松曷不亭亭直逼丈人峯胡爲乎屈曲偃
臥一洞中雲鎖洞門識松意避秦不受大夫封請君莫
爲山松惜山深翻逃斧斤見一任羣卉競芳歇貞心不
改歲寒碧吁嗟乎窟室松下有斗大如雪茯苓生長鑿
窟取千年質由來此物通仙靈飽服大藥松底眠醅來

一 嘯萬山青

和趙中丞寒同山樓

明徐圖

木末天風萬里吹，何人高臥北窗時。
嘗從海上開三徑，偶向膠東寄一枝。
白鶴歸巢雲滿樹，青山入座酒盈卮。
知君欲下南州榻，慚愧無能慰所思。

壬寅夏同孫達甫遊郭氏園亭

明徐圖

峒巖仙境自天成，况結高樓寄遠情。
大澤晴雲侵鄴架，寒同宿雨灑冠纓。
人疑七里灘頭臥，酒向千峯頂上行。
漫道山居歸計得，謝安豈忍負蒼生。

海潮風雨歌

明孫鎮

掖縣志

卷之八

藝文詩

三

卷之八

龍宮突兀多精靈，樓臺掩映鯨波明。
解鞍入廟氣慘澹，海風獵獵揚旌旌。
電光一掣雨隨至，霹靂數聲山欲傾。
小魚亂墜平原裏，墨雲籠窗見龍起。
魍魎狐狸俱遁藏，對面青山若千里。
我欲褰衣一葦航，乘風上下波低昂。
珊瑚明月間琳琅，入探尾閭遊扶桑。
乘巖觀獺謝其王，嗚呼此事荒唐鬼。
神妬世陸空沈寧，自赴高歌一曲酒。
一壺風雨百年不知數。

幸臺懷古

明孫鎮

晚登古臺上，北風何蕭蕭。
海空層樓滅，天廣蓬山遙。
漢

武昔愛仙遊此招要稅駕當利城山川莽來朝行轍
豈不華勢欲凌雲霄安期不可待龍顏亦已凋霓旌變
浮烟笳鼓散鳴潮地古祀常盡年深碑版銷如何千載
下雄名喪輕鱗龍去不再還鳥啼夜寥寥唯有舊時月
依然滿山椒

沙邱懷古

明孫鎮

神馬一千里不獨渥洼池沙邱埋龍鱗世眼多見遺豈
不及飛黃天寒常苦飢慘沙邱以無光晶酸悲鳴向誰秦公
懷遠志求馬於天涯伯樂沙邱拜言齊中誠有之遂命九

掖縣志

卷之八

藝文詩

三 卷之三

方臯日夜以東馳來至沙邱沙邱城牝黃何權奇青絲爲絡
頭黃金爲銜羈暮宿君下處沙邱朝登君彤墀秦公長太息
何爲牡而驪不在牝與牡所貴得天機良材蒙寵顧沙邱
且天下知寄謝周天子八騰沙邱安能追

登郡城樓

明孫鎮

水國孤城接漢臺沙邱高極目更徘徊霜多紅葉千山徧
風急黃雲萬里來沙邱一俯不須憂寇盜海深安得起塵埃
登臨莫惜金尊罄沙邱外衰楊響易哀

登寒同山

明孫鎮

高巖突兀擁孤城，遠樹微茫入海平。陰洞雪霜千古在，中峯雷雨四時生。蔬從野老分新味，詩向山靈乞舊盟。亦有瓊芝堪採掇，登攀何必上蓬瀛。

過城西陂蓮亭

明 宿鳳翥

靜愛青山郭，閒尋綠水洲。著風蓮片片，坐浪鷺悠悠。古刹銜秋日，輕舟漾晚流。倦鴉昏接翅，相倚宿城樓。

秋野

明 宿鳳翥

病起惟尊酒，愁吟獨野行。海浮萊子國，山接不其城。序晚羣芳落，天清旅雁鳴。亂山雲霧裏，的的斷霞明。

掖縣志

卷之八

藝文 詩

五

陸聖

季秋八日同孫寧之凌雲亭賦

明 宿鳳鳴

海國秋深晚上臺，風煙極目共徘徊。平原渺渺孤村迥，古木蕭蕭萬壑哀。揮塵嶺雲依檻落，啣杯野鳥向人來。明朝擬欲酬佳節，解意黃花逐夜開。

西山眺望

明 宿鳳起

出谷登西山，悠然恣遐矚。野曠遠阡合，天高萬木肅。出沒烟際峯，迢遞自相屬。匹練曳高樓，飛甍相鱗續。驚風自遠來，白雲忽馳逐。還顧滄海波，滟滟搖空綠。歸時日已頽，放歌和樵牧。

海上望三山

明 宿鳳起

御杯清瀾倚高臺極目滄溟萬里開
潮落勢浮三島去風迴濤捲二儀來
秦皇鞭策石鯨度漢使槎凌銀渚回
弱水茫茫那可到彩雲天半接蓬萊

遊武官觀道院雙鳳山

明 畢拱辰

雙鳳何年翳荒祠高下憑蝸涎
黏斷磬聲燐火續幽燈村吠
龍疑豹堂空虎是僧靈虛方有待
促轡不成登

登道士谷

明 畢拱辰

巉徑草芊綿誰能屐不前
谷寒如道士觀古似先天叢

掖縣志

卷之八

藝文 詩

三

堅

棘迷殘碣雜花護獨泉
雙鴻直解意先客到危巔

西園偶成

明 趙印昌

小築開三徑長松蔭短茅
遠山蒼藹合古木綠陰交
人以居閒懶書因眼倦
拋脩然成獨往不解子雲嘲

遊龍溪

明 姜 開

杖策沿溪轉回頭雲半遮
有峯皆錦繡無路不烟霞
地靜人疑隱心清山是家
石苔影欲碧灑墨墨成花

弔萊郡守朱萬年

明 謝三賓

太守傳遺事兒童聽亦傷
孤城屬累卵隻手作金湯
忠

學汾陽郭忠恕公子以百年誰久視高義振綱常

白雲庵二首

掖縣志

卷之八

藝文

三 卷之八

瀑水分青嶠孤峯駐白雲山花人且少開落自紛紛
望靜雲留榻林深鹿臥苔東蕪素白石山竈引泉來

龍溪

明 趙士亮

數椽茅屋近巖頭萬壑峯巒兩岸收春煖苔生潭底綠
晝閒鳥語洞門幽松枝高下從雲度石竇迴通恣水流
勝地不妨重載酒與君十日可淹留

臥龍寺次葉文忠公壁間韻

明 趙士亮

危峯雲淨近諸天扶醉登臨客裏緣彭澤歸來唯嗜酒
跛公老去始參禪風迴遠澗千林雨黛拂晴空十丈蓮

我欲買山君莫笑武陵有地不論錢

戰城南

明趙士喆

戰城南戰長苦賊如蛇鼠伏環堵來如風猛如虎礮如
雷箭如雨使我前弗得前却弗得却顧視城頭但搗鼓
門夫輕進而善奔黃甲者誰觀望畏賊如畏口可憐大
頭蟲孤立無與伍得數賊級誰遍城嗟我軍民碎腦穴
胷血肉模糊安足數悵望西兵來不來城南之戰苦復
苦

九哀

明趙士喆

掖縣志

卷之八

藝文詩

三

堅栗

督撫徐公從治海軍人以監軍至來擢開府守
萊半載為飛檄所中死公寬仁長者得士心死
之日三軍無不流涕焉

叱馭孤忠動鬼神時危盡瘁竟忘身健兒莫灑英雄淚
全節如公第一人

防撫謝公璉荆州人丰儀韶秀善詩文守萊半
載誤撫局為賊所執死於登州

翩翩風雅繼元暉詎料推誠心事違望斷楚天秋色遠
英魂彷彿月中歸

內府徐公得時翟公昇監視呂公之中軍也守
萊數月備極勤劬撫敗被擒同防院死於登州
疎逃無能答聖朝臨戎故借侍中貂誰知解網翻投網
魂斷登州不可招

副鎮張公其功真定人也魁梧善戰賊叛過萊
請夜擊之衆不可余撫大成使率兵三百守黃
請濟師弗許賊至城陷公猶手刃數人力竭而
死

豺狼饜飽自西來請擊如公亦壯哉袖手養癰緣直事

掖縣志

卷之八

藝文 詩

三

登州志

英雄至死有餘哀

太守朱公萬年貴州黎平人強力任性頗不爲
物情所喜然賊叛之初首倡効死軍需供億竭
力嘔心其功有不可泯者撫敗被擒罵賊死萊
州城下嗚呼烈哉

朱季由來強直名譽將七尺障孤城可憐功業隨流水
罵賊真堪北杲卿

李揆使夢果向百戶仲仁其先皆色目人也李
猿臂善射自敢勇出奇屢立戰功竟爲賊砲矢

所傷萊人靡不惜之

兩君驍傑出羣才苦戰忘身實可哀欲賦國殤翻烈士
祇愁餘怒吼風雷

王先生琮貧而好古性迂拙自號木石居城北
之諸流村賊至弗避為所執不屈殺之

道義交遊二十年追思直諫忽潛然時流已自知君少
况復羣兇鮮愛賢

毛武舉英故相文簡公裔也短小精悍從彭叅
戎守東北角艱苦備嘗解圍後防賊廟自島以大

掖縣志

卷之八

藝文 詩

三

堅

風覆舟為賊所害惜哉

浩淼鯨波殺氣昏欲憑海若弔王孫英姿俠骨真堪羨
不愧先朝忠孝門

郭生名揚者長幹多力率鄉兵禦賊斃其一衆
寡不敵竟為賊害生寒陋寡交後亦無為請卹
者可哀也

從來文弱是書生殺賊如君死亦榮
眼底膏肓爭冒賞
何人知有郭揚名

河南行挽錢唐二公作

明 趙士喆

唐公韓啓泰錢公諱祚徵皆余少年筆研交兩
公宦遊中州不相聞問者久矣辛巳春賊陷河
南諸郡縣兩公死之余嘉其節悲其遇推原亂
本而作此詩

河南南陽不可問朱罌銀鑰人鬼憤萬姓哀哀骨髓乾
金張積鏹高如山一朝天狗過梁野雞都百雉如崩瓦
御府瓌奇散綠林名閨佳冶隨銅馬亂橫勢莫當
可憐澗瀍變沙場驕兵列戍提戈墨吏連城解印亡
嗚呼何日妖氛靖臣節分明功罪定忠孝還歸孔孟鄉

掖縣志

卷之八

藝文 詩

五

五

君不見汝州刺史伊陽令

小石島觀海市

國朝 吳偉業

仙人太乙祀東萊不信蓬瀛此地開虹跨斷崖通羽蓋
魚吞倒影出樓臺碧城烟合青葱樹赤岸霞蒸絳雪堆
開道秦皇近南幸舳艫千里射蛟回

龍吟澗

李森先

郡東一幅奇山水人罕有到者物色自余始因

題曰龍吟澗

癖性偏於出水深探幽得勝龍吟丹崖怒捲千峰雲

疊嶂高傾萬斛琛
口射蒼斑鱗甲動
風迴激瀨鼓聲沉
天奇應愛知希好
愧我嘉名錫自今

石門

李森先

只許白雲度幾人
携杖過自茲絕塵徑
步步上巖阿

送李琳枝侍御察荒中州

龔鼎孳

親見攀車浪萬行
金閭城下水茫茫
圖書淨對三吳雪
艇騎驚無一鶴裝
河內火寧煩汲黯
都亭輪久憚張綱
戰餘民力還深惜
閭闔春開待皂囊

城頭元旦

張宗英

掖縣志

卷之八

藝文詩

三

陸五

夢入君門千里遠
覺來元夜在高城
孤燈自照愁中影
警柝猶飄月下聲
但使四郊空壁壘
何妨斗酒補清明
鶯花欲待垂垂發
前路行看入太平

龍

王炳昆

策杖幽破碧苔薜
蘿深處洞門開
松間鳥語穿雲出
橋畔虹光逗日來
風動花茵香擁屐
樽依柳渚綠添醅
夕嵐坐看千峯滿
月上前村醉水回

試院志雨二首

施潤章

順治丁酉三月十有九日余初至東萊枝士唱

名甫畢雷雨大作水深尺許未及命題而散是時苦旱久矣口占志喜以壯諸生諸生多屬和者因書之以紀一時之典會云

滿目明珠絳帳開久晴一日走風雷誰言化雨隨車至應是蛟龍出海來

咫尺蓬萊山可移雨師風伯颺靈旗從教滄海添春浪會取珊瑚百尺枝

謁海廟

施潤章

芙蓉島畔海波平絳殿珠宮入太清賽社雲沙喧士女

掖縣志

卷之八

藝文 詩

三

堅至

傍檐咫尺接蓬瀛半天松栢魚龍影白晝旌旗風雨聲大祀前朝留寶冊殘碑剝落任縱橫

憶萊子四首

王士祿

時復尋春郭烟光縱目寬山姿濃大澤潮勢泊三韓小立拋藤杖微吟側簪冠一尊石凍酒未厭海風寒

委巷柴門接開情習野農禦寒收海帶供爨斧山松露麴清春釀沙杭淨晚春家家資網笈處處狎魚龍

風土看真異圖經載未周海颺常北至河水盡西流甃石綠沉似鹽場玉屑伴居人論井味中劃定何由

未學任公子蒼綸問海濬疏慵真自慣七箸不曾虛飽
飯兼魚蛋清鱗點鱗背波人削石鮓此事會憐渠

虎頭崖觀奇石歌

王士禛

虎頭之崖渤海隅共言奇絕天下無我聞數思褰裳去
風塵羈紲空嗟吁昨者得暇事幽討海風十里吹眉鬚
到來挂杖沙壩側周顧果爾形模殊橫堆數拳紫韎鞬
斜迸十丈黃珊瑚更有怒猊如雷勢欲突碧者翡翠蒼
鷓鴣宛如楊氏五花隊紛然奇錯亂且都又如夫差黃
池車如火如墨還如茶側聞麻里嶺石渡海水秦橋如
掖縣志

卷之八

藝文

詩

五

堅壁

指通瀛壺如何此石偃寔在官蠹室側咫尺不受神人
驅吾家遊囊嶽圖舊開幅署名記是藍田叔嶽色各各
隨其方青元朱白中黃瑛氣乃妙畫果通靈風雨奔騰
向山麓野人有圃郊郭京殘山碣石開玲瓏安得愚公
移此去斑然互峙荒庭中

神山

王士禛

選勝憑雙屐僊巖隔數弓蒼烟橫大澤涼雨到寒同次
第山光出微茫海氣通徘徊舒遠目一望盡空濛

弔趙文潛兼懷山公海客兄弟

王士禛

北海亭遺直高風古所稱遠操南史筆建文年譜獨食

北山薇石室人終老松檟鶴尚歸未須稱二陸家世本

荆扉石室松檟隱居之地山公兄弟皆善詩高隱

和窟室畫松歌 王士徵

孫黃門家園今為林氏別墅石几上有黃門畫

松歌頗極奇妙乃泚筆而和之

黃門園中有窟室背枕亞祿臨滄溟石壁磊砢一十丈

入眼彷彿生精靈橫壁老松誰所作海風怒攫山欲傾

盛陰五月凜霜雪怒姿萬變盤雷霆疑是溟渤含日氣

掖縣志 卷之八 藝文 詩 堯 堅五畫

不然天上來星精我來盛夏變冬序白晝慘淡生晦冥

顛毛亂指舌上橋寒肌起粟心骨驚上下蒼茫有神鬼

左右騰跳飛颺颺江南吳生昔為此一下筆皆龍形

昔者吳道子畫壁天宮寺將軍劍舞何蔚跂興酣筆落

氣磅礴萬夫動色嗟神異吳生畫松已百載鐵榦霜皮

終不改南榮曝背亦吾儔偃蹇龍鱗好相待 王士徵

登高邱而望遠海坐見萬里之波濤長天寥廓雲景異

春陰偃蹇魚龍高怒潮乘風立千尺虎蛟水兕紛騰迷

羣靈潛結萬蜃氣一痕未沒三山椒須臾勢盡波亦其
波淡入清靜如綺菱苔沈綠紛塘坳螺蚌搖光散沙內
參差島嶼羅殊域紛如星宿秋天裏擊我劍聽君歌有
酒不飲當奈何日主祠前水蕭瑟仙人臺上雲嵯峨羨
門高誓不可見秦皇漢武空經過祇今指顧傷懷抱黃
腫慙餅盡荒草人生快意無幾時明鏡朱顏豈長好吾
將避世女姑山不然垂釣蜉蝣島

聖水庵醉歌

得杜宇時同遊劉孟門在歷山錢爲玉

宿孔曄

過野杠見飛幢石坡陀兮礧礧水宛渾兮淙淙草有鳴

掖縣志

卷之八

藝文 詩

聖

聖

蟲門有吠龍來時夕未夕月色已盈窗我醉忽然狂發
憑曾大叫百千萬盞一時都盡歌古調之無腔嗚呼生
生如夢雖醒猶迷明發早起吾將泛慧海上慈艣息心
善地皈依正果甘毒龍之伏降

龍吟澗

宿孔曄

我遊龍吟澗時當朱炎赫暹迤越村墟瀟灑入山澤褰
裳溯淺波數轉深益尺瀨清自東來歷東聲愈迥離立
當迅流頽倚凭怪石執熱苦歎蒸快意於茲役

同趙作濬訪張仲質任歷山於上寺山房

宿孔暉

返照登南嶺迷離辨遠村峯高天若卽雲駛月疑奔拖石松垂地搖空鐘破昏歸來觀物象燈火在禪明

龍溪紀遊

劉在中

午日西樵師偕貽上招飲龍溪冒雨幽尋牽蘿捫葛猿臂相引盤縣磴瞰迴溪灑足清流裴回茂松之間迤邐登注雲閣閣南俯梅岑洞枕碧潭潭深不見底傳聞所謂龍潭也憑閣北望寒洞雲峯諸岫陰霞幻及霧翳萬狀倏雲暗四山雨淙淙響震林壑爽氣襲人衣裾迺飛觴歡呼秉興緬邈跨石砭而西徙倚疊巘手撫孤松引巨觥浮之流覽遐邈醉歌山鬼而歸

曲岸層巒繞澗窟日飛龍招携兩騷人策杖憇幽叢冥情各奔悅飛觴浮孤松探勝競水涉猿引鳥道通左睽右迴眺一閣壓山墉凌崖斜高嘯川末波微風暝晦無端倪迷離望寒同林壑傳遠響烟雨淡空濛氣志洞瀟灑倦此雲霞蹤

注雲閣

掖縣志

卷之八

藝文 詩

四

四

高閣臨迴深峴巖路危峯憑欄恣遠眺蒼翠有無中

梅岑洞

盤阿幻奇構嵌空紆坡陀雲移潭影靜風擁岩花多策杖招隱士幽光上蕊蘿

飛龍潭

千仞滄泓碧一水浮山流雷雨蛟龍吼霞光明滅收

寒同山

鬱紆連嶂秀萬壑陰松風平望倚蒼翠縣崖虎豹叢古洞流白雲迤邐挂長虹裴回愜幽興煙雨曳短筇

掖縣志

卷之八

藝文 詩

聖

聖

觀海

錢大受

纔知觀海難為水萬頃茫茫灌百川碧落一痕天作岸寒烟幾點島如拳仙人樓閣疑空際漢帝旌旗憶昔年日落孤城潮欲至移情恍忽遇成連

登雲峯山

張之維

木葉蕭蕭幾樹風雲連文筆接寒同

文筆寒同二山名

松溪十

里鳴雙屐石巘千尋曳一筇勒記無分天柱碣

平度天柱山亦

題名苑在聚仙宮登臨咫尺滄溟近長嘯歸時月

虎頭崖觀海

張之維

參差怪石踞滄溟獨立超然逸興生
萬里水天同浩蕩千秋潮汐自虛盈
凌波估客船爲宰邊海漁人習代耕
乘興于喁歸去晚一灘涼色月孤明

九日亞祿亭聞警

趙玉藻

木靜天高霧不收烽煙萬里動邊愁
罇開山色依青嶂日落笳聲動戍樓
磊落我生雙白眼浮沉世事一輕鷗
黃花幾度逢知己休論干戈滿地愁

龍溪

趙玉瓚

掖縣志

卷之八

藝文詩

聖

三十七

十里松陰一徑深春來結客意
初岑橋橫危石隨高下
洞劈懸崖自古今到此
已忘憂何時得遂住山心
杖藜且向白雲去坐對流泉聽鳥音

祿山觀海

趙玉瓚

欲觀滄海大爲躡此峯巔日蕩金波動風催雪浪還
片帆雲外出孤島鏡中懸不辨蓬萊路茫茫萬里天

秋日飲海山亭

任彥芳

把酒歡呼最上樓凭欄四望野雲收
山村日下牛羊夕海甸風高禾黍秋
寒杵敲殘空月冷悲笳吹斷老邊愁

驚心處處多烽火掩淚當年弔杜劉

仲春友人邀遊龍溪

林 樾

二月龍溪雪披裘獨上樓水侵山徑窄苔鎖洞門幽風
渡松能韻潭啣月欲流巖灘何處是祇此可垂鈎

白雲庵

林 樾

路自盤回入千巖萬壑連披雲穿鳥徑選石列花筵古
洞蘚深鎖珠簾天半懸歸來欲往十夜不成眠

大觀亭

朱 雯

高臺遺蹟自南燕出郭登臨得地偏雲影晴移沙浦樹

掖縣志

卷之八

藝文 詩

留

卷五十六

浪痕晚上海門烟青圍槩子峯千疊秀削芙蓉島一峯
頓覺塵襟超象外凌風我欲躡飛仙

暮春登觀海樓

張榕端

危樓臨海岸極目杳冥冥無邊浪雲蒸不斷青魚
鰕腥島市斥鹵坵沙汀觀止應長歎無勞讀水經

萊署小構八首

甘國璧

花間春正好小築恰初成地有園林趣人多山水情衝
杯聊共醉得句快同賡坐覺襟懷爽窗虛來月明
正有栽花興人來送牡丹因成小結構聊以供遊觀愛

月留虛牖憐香護曲欄此中容我拙政簡自民安
小園剛半畝幽趣似山家携得新芻酒來看初放花風
迴香繡靴日轉影欹斜久坐渾忘暮轅門鼓又撾
九十春光好園亭淑景開綠勻當徑草青遍上階苔把
酒聽鶯囀鈎簾任燕來吏閒非是隱退良獨徘徊
掃石焚香坐春光一院深好花閒引蝶高樹密藏禽逸
興隨青鏤幽懷寄素琴書長公事暇淪茗滌塵襟
就景營新構招携致足娛客來堪共賞酒熟不須沽日
月雙金鏡乾坤一玉壺醉吟松鶴畔誰繪列仙圖

掖縣志

卷之八

藝文 詩

五

堅堯

小亭獨坐處俯仰愜幽情洗石存貞白看雲過太清東
風輕冷暖北海易陰晴遙憶白都勝香車擁隊行
玉署無塵到亭虛受月侵綠雲垂柳亂紅雨落花深山
鳥喧朝夕牀書橫古今悠然忘物我城市自山林

登望海亭

王朝佐

心自劃然異初登望海亭半環空似壁大地忽如汀駭
浪千堆白浮山數點青愧無搖岳筆何以賦滄溟

又用劉荻江韻

海霧蒸雲日易昏颶風鼓浪一驚魂綠莎界地分潮信

碧水浮天見島痕，屢氣乍疑應立國。桑田未變尚爲村，蓬萊有境終何處。便欲乘槎問羨門。

武官觀

林 嶠

高峯羅列二十六，三十六峯如削玉。遼近仙人此地逢，路入烟霞第幾重。鶴背長簫吹月下，雲間雞犬鳴清夜。仙人脫迹二百年，觀前猶遺丹井泉。松根石欄空剝落，古磬苔深林影薄。一泓寒碧深更深，鬼神呵護到於今。丹井遺澤何足羨，別有甘霖自薄徧。氤氳千村與萬村，春來會見花滿縣。

掖縣志

卷之八

藝文 詩

巽

堅

寨里古槐

林 嶠

何處尋仙跡，瀟瀟古木涼。烟凝山黛落，苔老石花香。清夜聞風雨，長年傲雪霜。閒評秦漢世，只此不曾忘。

和武官觀劉真人石碑題詩韻

林 嶠

跨鶴仙人去，帝鄉空餘臺。殿任荒涼殘，碑猶有三朝字。道法高標千仞岡，弔占不須探異跡。脚筆且共惜流光，誰家籬落聞雞犬。恍如桃源避世莊。

神山雜興

林冠玉

雙履隨春色，寒同五度遊。洞門新壘磴，樹杪舊懸流。

物三年別煙塵一夢浮何當成亦築長堤謝公傳

緒卿別墅

春日登亞祿山亭

林冠玉

亭前春色望無垠臺榭升沉剝碣文掖水千年流瀚河

寒同每日變浮雲新耕隴上才人蹟山下有孫仲子詩蹟夕照松

間宰相墳山北有毛文簡公墓愁絕古今無限意歸來濁酒正堪

醺

弔明太守朱公萬年

巖有禧

撫叛原知挫國威孤忠慷慨赴危機茫茫功業隨流水

掖縣志

卷之八

藝文 詩

七 堅至

剩有丹心照紫微

過吳龍潭弔趙光祿先輩

毛 貢

運移明祚妖氛厲流寇鳩張不可制寸地尺天皆苦兵

羽書旁午烽烟掣鳳陽明代舊龍興拓地潁川護祖陵

守土專官分別駕端寮歷代簡賢能光祿萊海名臣曾

守堅墨翟驅遼寇崇正壬申遼叛李九成圍萊七月始解事平議敘官此

邦孤忠自矢雲雷吼長淮鎖鑰鞏金湯可憐旬始掩心

秀闡場天掃地王一隻虎紫金梁投鞭欲斷黃河水百

連營寇順昌公方行部按泚水警報驚聞投袂起履

皇劍及門一夜長驅三百里孤城四面列重圍
登陴縱指揮相持三日賊鋒挫謀報賊騎會且歸夫
已無謀自遺害高樓百尺踞城外移檄撤之驕不應倉
皇中夜挈家蛻人去樓空外障虧賊人歡喜賴人悲狼
奔豕突誰能禦獸賊烏驚那可支城摧火焰轟天起百
萬生靈今已矣拔簪募士無人應力盡黑龍潭內死黑
龍潭水咽不流當時義激熾同仇岸上罵賊誰烈士西
府廝養卒王舟夫人聞變義不辱手携兩女京與淑登
樓縱火還自焚盡室同時畢回祿見危授命亦有人先
龍蜿蜒濤聲壯

掖縣志

卷之八

藝文 詩

賦

聖主

黑龍潭弔古

李中捷

千尺洪潭歲月深當年遺跡費追尋
燒劫寧灰烈女心三鳳萊山傳奕葉
一祠龍水感銷沉我來憑弔懷鄉士
太息英風思不禁

讀書道士谷題壁

劉學祖

層巒迴抱夾清溪入谷沿流路不迷
嶺岫參差雲斷續

樓臺上下月高低杜陵詩賦空悲壯謝朓山林自品題
坐向峯頭看北斗而今主事在巖棲

春日讀書大基山

劉學祖

杏花開後復桃花空谷雲深道士家隔斷紅塵無紀日
惟從草木識年華

望海樓

沈廷芳

高臺峙渤澥云亦秦時築長風激怒潮野雲展平陸望
望一懷古萊夷昔作牧

丹霞壁

沈廷芳

掖縣志

卷之八

藝文 詩

巖臺

國士旣下齊試劍復題壁磨崖刻壁窠連卷亘虹霓吁
嗟聖水頭書院長寥寂

燕臺

沈廷芳

昨謁尚父祠遂上南燕臺勝國亭已廢舖砌惟荒苔割
據贖陳迹海山表裏開

雲峯

沈廷芳

春風吹我衣振策寒同山雲峯一何峻藤蘿杳莫攀洞
有僊直踪巖石靈不頑

己巳秋日祀杜文貞公於東萊官舍之清宴堂恭

懸 御額謹紀

七 沈廷芳

更設瓣香懸 睿藻好從北海繼南池
四松待鶴昂藏 幹一室如親諫諍安
權對祠神懷往 詣奉孫島佛本吾
師宋翁蒙先生 歷官鳳翔成都恒奉
副事並鑄公像手 均晨夕 人書以刻
公詩李嗣贈賈島成佛孫或續島像
祀之 平生慷慨存忠愛獨立蒼茫動遠思

上巳遊道士谷四首

沈廷芳

杜門不出已逾月 道士谷前春可辨
駘蕩東風三十里 馬頭乙乙現青蓮

文公會此結 幾層樓閣來尋 佛道風
潤木松風方和 荅

掖縣志

卷之八

藝文 詩

七

陸孟

忽看橋下躍神魚

鳳翅磴虛苔 銜銘龍鱗樹老長
青青桃花杏花豔復淡

晴入川原如畫屏

沙汀又見柳毵毵 共趁韶光三月三
帶月歸來重迴首

城隅螺髻簇東南

登大悲閣

沈廷芳

城凶紆折入香林 古柏寒猶氣鬱森
歇憂僧歸飛錫冷

耐冬花占小庭陰 境抒老眼瀟瀟窄
額寄忠魂歲月深

明太守朱公 壽年所題

高閣百年一登覽 淨明心跡付潮音

北海書院卽事示諸生

沈廷芳

風雷繞過午方晴院宇深幽永晝清一徑槐初叢鼠耳

數聲鳥語報鷓鴣庚墨池會有金龍躍見晉書載記文囿還春

玉筍萌多士自應通六藝是日就試者七十二人觀型却愧老儒

生

夏日招孫克之教諭林寶樹處士盛登善俞岫雲

王岷望張怡亭諸文學胡芑堂趙允恭李襄衡

姜西望奉同孟公瀛山兩兄攜兒世燁姪世炯

吳氏外甥崇與過王京兆宜園納涼竟日公孫

掖縣志

卷之八

藝文 詩

聖

聖

寵先廣文亦在座毛師陸鵬南林鳴九靜思綦

虞鄰高禹泉以事不至 沈廷芳

王公遺別墅城角遠人寰泉沼動瑤瑟翠樓明碧山花

低孤嶼外樹老百年間白首聞孫在談深舊事稠

頻年乏佳興此日好追涼北海多名蹟南皮續舉觴得

朋期古處陳篋發餘芳應戀論文地棲遲計最良

聞道小平遠郊西境獨幽難追三趙躅小平遠明趙家宰家園家宰兄

弟世為名臣空憶二王遊西樵考功為萊州教授時碧

時稱三鳳鮮文皆古蒼騷收壁秋何時移履往高詠白蘋洲

雲巖忽催客雲巖屋山空石滅侵微雨絺衣透遠風難

懷念暴殄虞鄰曾和余詩故借幽討羨毛公師陸館黃

山謁王祠及諸名蹟重擬習池醉射魚攜竹弓縣曾登萊

七夕謁朱公祠井序沈廷芳

公諱萬年字鶴南黎平人明季守萊州多政蹟

崇正中援凌兵變寇萊州公守禦半載以巡撫

謝璉強之同出撫寇公不得已既出並被執公

給寇復至城下大呼曰我被欺誓必死彼精騎

盡在此可發礮急擊之寇怒亂俾刃大罵而死

掖縣志

卷之八

藝文

詩

七

堅美夫

時壬申七月七日也事聞贈太常卿建祠死所

閱今百二十載每逢諱日萊人相率設祭瞻拜

恐後余連年以事不獲展誠今躬率官吏士民

具牲醴肅酌祠前賦詩記事以憑仰止之忱焉

公真烈士奇男子不負生平在兩言公嘗云生為奇男

身捍全城當逆賊像留獨臂慰忠魂公骸僅遺一凡筵

盼嚮趨人士祠宇蒼涼拜子孫年來公孫曾輩遠謁祠

多我亦典型森在望年年此日薦蘋蘩下萊紳士為設祭隨祀

同吳觀尚法黃裳遊道士谷 沈廷芳

清明上巳時花開千樹一筇支泉多重疊聲欲靜
谷愛迴盤勢轉奇今日青山再遊歷中秋黃葉已紛披
啜茶剝栗荒廬下坐聽松濤撼古碑

宿馬耳山竹林寺

沈廷芳

荒涼獨月出照我到山麓廷芳寒光杳無際足音徹空

谷吳之後仰視晃朗中萬松浮寒綠法坤厚行行入精

廬若道侶投宿廷芳山僧來謁客棲鳥鳴灌木之後登

樓掃短榻盥手濯泉玉泉在寺後即法坤厚桂芳新栗

櫬稻滑醞茗粥廷芳果腹更攜杖狂歌共秉燭之後拂

掖縣志 **卷之八** 藝文 詩 三

草坐盤石蕩胸豁遠目坤厚杳杳夜氣深泠泠露華肅

廷芳梵音雜磬聲如在古天竺之後試問世間人此樂

可曾卜坤厚

題竹林寺二首

沈廷芳

嵐翠東南集名蘭數竹林樓臺太古壑溪壑發清音香

通松千樹蘿盤壁萬尋臨風看不厭還我鼓瑤琴

馬耳攬雙尖西來欲逼簷我方三宿戀客擬浹甸淹沼

底名泉湧秋心落葉添永懷吟伴杳何日集空巖懷翰

登馬耳山歌

沈廷芳

懸崖峭壁何盤礴鑿石年代疑鴻濛晨興仰望勢截巖
青蓮却現雲霄中道人導我入窅窅良久挾我凌虛空
捫蘿攀磴等猿獲但聞滿耳瑟瑟皆松風濤聲若沸和
衆籟更有唧唧吟秋蟲爰升馬耳竹披峻昌陽掖水紛
西東蒼茫北海碧于練潮頭萬里一葉飛艤舳浮屠之
室老子宮俯視點染微青紅歸途屈曲歷嶮巘羊腸鳥
道一線通偶坐秋樹根亦憇如龕磴同遊子吳子忽蹶
成育聳法生卽栗折作三節節石苔沙草滑澁愁兒童
繫余半百足力健是日爲余
五十五生辰登陟下上猶誇雄乍返竹
長帽眉山翁

掖縣志

卷之八

藝文 詩

詩

藝文

林寺高閣迴暇心神憚以茲續入圖書裡尺只億仞堪
敵荆浩兼關全黃裳
所寫何如烟江疊嶂舊筆踪小詩却愧
擬遊白雲庵不果登竹林後閣遙望

沈廷芳

白雲庵在望相距三牛鳴列屏峯作圍如薺樹亂生青
蒼一氣中遙接何崢嶸曩聞毛翁語師陸厥境幽且清
窈深似太古風籟多希聲可望不可卽延佇惟含情我
豈竟無緣會當振策爾

密膠沙觀示劉道人奉次中丞虛亭鄂公韻

沈廷芳

昨倩門下士濡墨呵研冰爲寫勞山景置我深雲層削
筆掛燈棧攀躡虛無憑古松與怪石羅如禪窟僧海水
當襟入奔觸濤涌騰那羅窮巖窟丹成透石昇圖畫自
爾爾讀之得未曾靈境近可接引手將焉凭念茲梵人
瘼方凜索朽乘鳴豫而治理吾信斯未能察黎驅清曉
籌策莫寒燈夫豈事遊覽牢落思重登

逍遙庵

沈廷芳

掖縣志

卷之八

藝文 詩

五

五

勸農乘暇日聞梵偶登山松影香醪瀉夕陽飛鳥還石
田犁雨後茅屋鎖雲間父老歡迎謁遮留徧竹關

道士谷看杏花

沈廷芳

今春愛登覽近地未暇過道人報杏林花萼漫山破及
茲風日佳策騎當農課逶迤入嶢巖盈谷紅圍裏鐘聲
應流泉遙與牧笛和俄頃野老來開塞千萬箇爭以酒
食餉拜謁雜小大云感使君恩焚香延小坐我來爲看
對酒愧遊惰勒斯務稼穡盤餐勿呈邈暫出見人情

指花齊開爲我

庵兒澗札參戎同遊

沈廷芳

山谷經後塢花亦迎馬紅唐詩遮路杏花迎馬紅

前行上層堂

入南澗中一庵小千舟萬松青濛濛其南有高臺日
可以風將軍酌我酒醉登鳴弦弓飛鳥爲之墮摺翼可
憐蟲我懦坐松下閒聽濤淨宗動靜各稟性誰能違其
衷山靈應笑我襦纈成迂翁

寒同山道院同人泥飲

沈廷芳

足壘亂山中北風忽如吼怪石蹲虎豹古木眠駒膠薄
寒正中人頗思傾白醜力盡抵道院各各酌以斗煖若
掖縣志

卷之八

藝文詩

姜堅

雨宿膠沙館

沈廷芳

膠萊水跨三百里橋畔河寬急晚風新漲欲將田岸接
遠潮直與海門通雨深念切哀鴻雁魚上情欣把釣翁
竟夕蕭蕭成不寐聞雞愁對一燈紅

綺塘

沈廷芳

綺塘雲木足便娟雨後人家在小田客過羣聞屢

雙飛鳥破溪烟

耐冬花 庚午

沈廷芳

幽島疑寒候花憐玉茗同綠分泉底潔光映雪邊紅孤
廟自成種無人開幾叢乘槎思采采桑墨 二島名 路何
窮

上巳日偕孫充之翁可之王妃望家仲兄遊寒同

山用王漁洋舊韻

沈廷芳

石洞春長在仙真眠曲弓

洞有邱長春卧石像

捫蘿等猿疾躡頂

幾人同平楚鳥時下九青氣可通

大澤山一名九青

歸途笳吹

掖縣志

卷之八

藝文 詩

七

堅主

合遠靄淡濛濛

杲村浪石

沈廷芳

曾觀彈子窩邊石此石真同綺縠紋何日築亭來看月

秋泉聲裏好眠雲

過杲村坐磐石

沈廷芳

入秋行路又經月選石烹茶且甃閒東望萊城纔頓合

西來掖水鎮迂環幾株葉墜聞疎樹一桁雲深接遠山

此景癡倪難寫出置身真在畫圖間

唐府君碑

沈廷芳

粵稽古良吏德政傳此云東漢企揚震汴宋繼宗
惜唐貞休事未載方策

飲馬池

沈廷芳

藝祖當微時托迹東海壖淹留甕口峽佚蕩亞祿瑤偶
來一飲馬池水長淪漣

辛酉秋讀書白雲山

姜日昇

西還寄轉蓬伏首此厓蟲茅屋霜林裏秋山夜雨中光
分藜火杖席近漢文宮今古生疑信升沉任塞翁

海廟

李因培

掖縣志

卷之八

藝文詩

五

聖三

海廟雄山北崇祠枕六溟蛟螭盤古栢蚌蛤補虛樞夜
久金枝燦朝晴火傘焚蒼波連灝氣粉壁繪羣形樂奏
爰居泣樓成老蜃靈鈞鰲投倍餌燒燕引龍腥日月從
嘘吸雲霞助杳冥神鴉排陣下恠雨散絲零僊嶠三壺
見春潮萬馬聽黃纛通望秩半醴考前經碑壓趺龜蠹
香飛篆鶴馨高堂凝袞冕後寢侍娥姪髻鬢帷將動往
來戶不扃先聲風習習習舂蠶水泠泠擊鼓馮夷至求珠
罔象停陽侯肩駑午颶母御輜駟禹鼎慚窺豹齊諧訝
撞莖光輝旗閃爍遊佩瑤瑤羊臍烹纔熟魚膏照更

鯉珊瑚爛寶炬瑤瑤時芳囁天黑谷王醉烟銷川后醜
歲時心令尹典册耀宮庭坎險元精注謙卑地軸寧瀾
原殊洞酌澤豈待羸瓶有渚夷吾笑無踪徐市舫淪胥
思碣石廣斥歎滄青曩昔飢逢木黔黎稼苦蝗畫圖傳
置驛賑貸起伶俜未返嗽鴻影空瞻挹酒星茲培勞剪
雪肅命怒鞭霆濟旱憑涓滴驅蝗伏甲丁豐收鄙國稻
運政帝階贊持節頌卿士分走出闕廷百祥歸庇翼四
顧觀觀型樹外蟬螭鳥花開翡翠屏隔牆看估舶推檻
俯寒汀遠色橫東表秋懷集晚亭徒悲秦政誕誰紀美

掖縣志

卷之八

藝文 詩

七

七

門餘長謁心如髮遨遊跡類萍他年槎上客擬勒十洲
名
掖水八景

寒同仙洞

毛式穀

谷轉斜盤徑絕巖起隱心瀑飛千尺練松覆一山陰石
壁蒼苔古雪峯老洞深仙人偶小臥閱世到於今

大基名泉

毛式穀

掖水泉非一名泉屬大基因風含細縹帶雨吐清澗澗
漾峰腰潤清甘我輩知山童煮白石繞澗拾松枝

海神畫壁

孫擴圖

的是天池物誰云只似龍簷楹紛竄匿頭角互奔衝未
灑三春雨空爐九夏峯雄心終破浪寂寞笑塵封

聖水丹霞

毛式毅

峭壁插晴空霞光映白紅水流雙峽內根出亂山中雨
過明丹嶂雲歸煥彩虹韓公遺墨在筆妙奪天工

三山望湖

孫擴圖

山勢浮疑動湖聲起旋將為風引去不是雨催來乍
吐天邊日還風地分雷乾坤方縱目豈但小東萊

掖縣志

卷之八

藝文詩

卒 堅畫

燕阜觀射

孫擴圖

巖疆雄表海大將歲登壇較射申秋令防邊飭夏官風
嘶金勒馬雨驟玉雕鞍向夕鏡歌起封章奏莫安

幸臺古字

孫擴圖

幾度南樓望豐碑憶幸臺三山仙客哀新詩暮雲開依
古無文字于今有劫灰遙憐秋雁歸高萊

杲村浪石

毛式毅

無風千尺浪帶雨湧潮流噴薄蛟龍騰參差島嶼浮酒
帘孤錦帆村屋幾漁舟望裏明禾黍居然秋洲

萊城

侯茲

名城百雉轟蒼穹環海依山帶礪雄撲地千閭資保障
提封萬井仰旂幟當年締造推賢守此日綢繆賴我公
勒石春郭饒紫氣謳思還欲碧紗籠

夜柝

張芋

四野安恬久不驚忽忘重閉或姦生霜街五夜爭傳柝
雪棧千村自結棚豈為比鄰煩柳折却防暴客趁雞鳴
績成會見徵書下一路澄清始掖城

壕上

劉元基

掖縣志

卷之八

藝文 詩

空

堅

溶溶一脉水澄泓為說賢侯濬鑿功岸柳迎春舒甲綠
池蓮映日漾波紅城頭古戍環羣岫郭外長堤臥斷虹
勝地尋芳人載酒太平風景畫圖中

柴公堤

張嶧

長堤突起鳳城東護得金湯半壁雄却愛成功功不伐
堤名仍自勒柴公

蘇郭河堤

楊世求

彼河之濬蕩析居民願言修之歲聿其春歲聿其春我
公之謀集兮

彼河之陽宜隄宜防曰予勞止誰曰不臧誰曰不臧我
公之令一兮

彼河之涘集木斯戢奄觀畚鍤千耦於斯千耦於斯我
公之聚輯兮

彼河之流在彼中洲厥民之居旣安且休旣安且休我
公之功陟兮

掖縣志

卷之八

藝文 詩

空

堅圭六

詩

登雲峯山觀海島

見雲峯山石刻

北魏

鄭道昭

山游悅遙賞觀滄眺白沙洪波洗仙鶴靈童飛玉車金軒接日彩
紫蓋通月華騰龍謫星水翻鳳映烟家往來風雲道出入朱明霞
霧帳芳霄起蓬壺插漢斜流精麗曼部低翠曜天龍此曠寧獨好
斯見理如麻秦皇非徒駕漢武豈空嗟

海上

金劉迎

潮蹙三山島烟橫萬里沙層樓春作市鼙鼓暮催衙一曲水仙操
片帆漁父家安期定何處試問棗如瓜

續掖縣志卷四

藝文詩

三

堅吉

秋郊

劉迎

秋水四五尺暮山三兩峯浮雲白毫象落日紫金華蓑笠前村笛
樓臺古寺鐘殷勤小本遠圖書記渠儂

陪諸友登三山亭二首

劉迎

半濠清淺芰荷彫落日登臨未寂寥山色暹秋澤作市海聲迎暮
欲吞潮沙頭白鳥疑相熟木末青蒼者見招不似常時對官府可
無閒話及漁樵

霜林餘葉未全彫極目西風對泐寥萬里沙荒秋後草三神山動
晚來潮移尊正及兵厨近結客何須驛騎招老素撫牀端可必求

甘隨分隱耕樵

奉使陪親王賈經一藏像三軸於東萊鎮海寺 在朱橋北

明姜仲軾

慈寧懿旨下雲中帝子王臣赴岱東錦軸蓮花傳百劫瑤函貝葉
發千叢臺郎捧詔辭天闕侍史焚香出法宮君德由來稱大孝朝
臣共勵洽宸衷

沙邱懷古

周而淳

烟水茫茫天欲秋登臨誰話舊風流咸陽帝闕千年古海上沙邱
萬里浮樹老吟風悲晚照城空落雁起邊愁三山縹緲仙舟遠島

續掖縣志 卷四

藝文 詩

美 啟美

嶼雲深那可求

冬日上寺山

謝繼遷

疎林紅葉晚蕭蕭扶杖登臨過小橋家在空山人不識白雲深處
路迢迢

萊州

國朝顧炎武

海右稱名郡齊東亦大都山形當斗入人質並魁梧月主秦祠廢
沙壇漢跡孤已無巡狩躡尚有戍軍郭漉海鹽干斛栽岡棗萬株
鼉梁通日際蜃市接神區轉漕新河格分營絕島廷三方從廟算
一撫各兵符礮甲初傳造戈鋌已擊屠中丞愁餌賊謝太守痛捐

軀分萬年郊燐出城陴白骨枯危情隨舉世年徂言悲疵國遺民想霸圖登臨多感慨莫笑一窮儒

萊州詠古

趙執信

天光盡處指神州碧海丹靈萬里秋千古雄心百年恨三山亭北

是沙邱

三山亭漢武所築海岸有沙邱城俗亦指為始皇崩處

山行求道士谷及長生披雲諸洞處

趙執信

曉日出海如新泮光射東方山更簇白沙已沒祖龍城青嶂猶藏道士谷我來含笑凌嶺岼惟見翠樾蒼松尖山烟十里浮空碧知是披雲人煉丹

續掖縣志卷四

藝文 詩

三

版七十九

姚溪遺興

宿鳳翹

大澤雲連北姚溪水自東怡情棲僻地養拙醉山翁榻掃邀殘月門開待曉風有懷思靡已兀坐獨書空

海山亭觀落日歌

顧我綺

羲和鞭日聲隆隆朱輪丹轂雙環空塗窮猝入大瀛海迴光倒燭深潭龍海水忽湧沸銀濤如屋相撞春欲吞不吞吐不吐但見萬里鎔紅銅陽侯驚詫海若笑幻出萬象無窮大矯一金蛇從洪波中連螭龜窺千丈小蛇蜿來相從爛然變火光傾瀉玻璃宮淨光焰曜際窮餘光溢出難為容飄飄海山亭

舊我來靈頂坐其上放曠頓覺開心胸霞收景滅忽不見皎皎
鏡升天東

萊州道上偶書

鄂家安

一身輕暖據雕鞍誰識關山行路難人起茅簷初日出鳥投枯樹
夕陽殘嶺頭雲冷凝無路海上風來別有寒偶向橋邊問孤客泥
深路遠未朝餐

借林小嶠宿吾三遊竹林寺

李中綸

結契相從訪竹林凌空畫閣倚山深雲蒸遠峽千層浪風鼓寒松
一曲琴初地石泉多古意

寺中尤泉蹟最古

禪房花木洗塵心他年如憶

續掖縣志卷四

藝文

詩

美

卷六十一

看山約路轉櫻桃幾樹陰

丹霞壁

毛遇凱

雙壁插雲中爛漫丹霞色淮陰錫嘉名大誓復深刻至今百千年
光芒不可逼

有懷白雲山房兼寄同學諸友

李鏜

林壑東南佳氣存昔年曾此結朝音疎雲翠石磊松蘿遠水淨
到寺門一自幽明珠色相十年風義失山村今來好夢金華月
指晨星不忍論

二十四忠烈詩 僅存三首

李

昔戰出紅旂盡松山十萬
支日頭一老年垂暮天末孤
死若飴 聖代殊恩加格外
秋廟祀見隆儀 張開原文炳

數戰曾經靖寇氛孤城猶自費
十勤天心燭火資狼豕朔日
霜風失陣雲興血千年應化碧
劫灰當日見飛雲咨嗟往事寧
人傳父老垂洩述舊聞 錢汝州祚徵

落日風寒陣不收無端戎馬
這邊愁羽書馳逐輪當堞鼓
角聲翻敵滿樓赤縣千家填
巷曲君恩一劍答城頭劇隣
馬革曾難裹苦胆如金著九
州 畢兵備拱辰

續掖縣志 卷四

藝文

詩

三

堅全一

贈北海書院院長

胡德琳

座上三山碧一痕四知堂古靜
無諠敢言地僻官逾冷久識師
嚴道始尊拙宦風塵同北海先
生詩筆似南園墓碑閣記君家
慣黃絹新詞手獨捫

連朝春雨細濛濛暖氣潛於山
澤通掖水繞城鳴漸心筆峰倚
郭架玲瓏文瀾想像迴風紫珊
網依微浴日紅養就扶桑憑拂
拭海門秋老虎牙雄

那那桑梓共天南幾日相思賦
采藍臘蟻浮杯吟獨苦春蠶食
葉風情老去原無減世味年來
已飽諳肯怨清狂竟禮數鏡

中相蕭笑髮

玉筍班聯白玉堂偶從漁筴和滄浪
蠻花羣草傷心處海雨江風沁齒涼
孔李交情千載密籍成譜誼百年長
鄭公里巷傳鄰並暇日親承書帶香

蠡勺亭觀海

翟冕

海天沈澹開靈源高亭極目欲消魂
天吳海若走復奔雲濤激盪包乾坤
忽然風靜破疑香島與雲微留一痕
蜃樓陡起連山村復有宮觀列重閣
須臾功洗紛煩依然碧浪浮朝暎
誰瀉銀河混一元奚啻入九雲夢吞
黃河猶假導崑崙班位總超四瀆尊
側聞蓬萊仙跡存方士齋糧謁洞門
此事荒唐不足論秦橋漢柱任波翻
何如快意臨朱戟鼓鼙縱觀北溟銀

望芙蓉島

王鎮

積翠浮天蜃氣孤三山飛落水平鋪
好將一幅鵝溪絹遙寫蓬瀛方丈圖

二月十六日掖縣啟行

張彤

春雨滑如脂行行車馬遲何愁日路滯
只願野田滋報國誠無補存心總不私
年華纔五十病骨日支持

賦紫丁香示北海書院諸生

張彤

續掖縣志

卷四

藝文

詩

四

四

星榆質等微新英忽許傍垣薇栽培大得天公力白給都教
換紫衣

百結玲瓏染素柯藤陰並受午風和庭前花木皆如此知是東來
佳氣多

六月三日渡沙河

張彤

一犁新雨足四面野風多槐葉細於柳豆苗肥過禾斷碑荒隴側
蕭寺遠山阿沙路水清淺與人負渡河

八月十二日祀海神戲未紀

張彤

旭日曠曠曉氣寒紅雲環護綺時巒仰瞻廟貌陳樽俎拜領班聯

續掖縣志 卷四

藝文 詩

望

堅全三

整珮冠適野正逢歌樂歲望洋尤喜報安瀾小臣分職東瀛表長
荷宸恩似海寬

坐百可亭 在道署

張彤

小亭方似斗高樹直於竿蔬自霜前種花宜雨後看空庭蟲語碎
隔院馬嘶寒公退間行去斜陽上赤欄

自掖至濰述途人語三首

張彤

海國今年樂事饒風來不勁雨常飄棗梨摘後粟初刈八月沙田
長麥苗

蝗不爲災雨澤充今年秋稼仗天公人家籬豆花開後桑葉纔黃

補又紅

田功今歲早收成雲貴人謂趕街子四川人謂趕場山東謂趕集皆卽古之趕墟也 香稻如珠鹽似雪海魚上市不知名

二月十日恭祀社稷壇

張彤

清曉乘微雨修禋社稷壇祇祈沾隴畝何患濕衣冠穀糞因時賤時穀價甚昂正等平糶民緣得澤安春分過已久還覺海風寒

朱公祠用沈椒園先生韻

張彤

昔在黔州聞大節今巡海遠探羣言危城賴鼓殘軍氣遠道空招異域魂祠塑公像前明服飾一代衣冠畱去國百年鼎俎薦來孫乙丑族公裔孫述文

續掖縣志 卷四

藝文 詩

星

聖公

遠來脩祀據云已八十年不來矣郊南祠宇開憑弔庭蔓荆榛隰被蘩

三月初五日勸農

張彤

九推冒雨纔行藉兩日新晴好勸農隴畔簪花人荷鍤隄邊酌酒叟扶筇田多秀麥休驅馬墟有天桃遍引蜂一角青山亭八角精藍小憩暫聽鐘

坐藤陰聽事 在道署

張彤

坐擁紅鑪下碧帷雪晴兼少海風吹回春我豈如鄒衍愛日人爭比趙衰聽訟不教公案積賑貧那計俸緡虧銅瓶蠟蓋臨牕供心

同朝陽也學蔡時捐資加恤孤貧

尋樂園

毛式丹

先文簡公歸田後於西北郊闢地為園為十景有尋樂園
環亭雙流滙沼峰台夜月怪石橫秋等名與老友結忘形
會優游近二十年今僅存其池

綸扉一版敢忘君憂國憂民日已曛子告歸來焚諫草間尋泉石
看烟雲

西園

毛式丹

在城西祿山下舊為先太僕公右溪園倚邱為臺濬澗為
池後歸孫黃門却浮增其式廊曲檻迴廊高臺深洞極四

續掖縣志

卷四

藝文

詩

三

堅全五

時之趣為萊郡第一名園

臺榭參差接翠微劈箋載酒日忘歸畫松窟室消磨盡隴麥青青
燕子飛

節婦吟

李兆元

孫氏邑之西由鎮人適李觀文年二十有四觀文疾革囑
氏曰爾當為後嗣計勿徒相從俱死時觀文有弟方婚意
生子可立繼也氏遵其言苦守四十餘年弟竟無子遂賣
志以歿氏之族人為徵詩余因賦此

曼曼女蘿枝青青附松柏嗟哉兩同心早歲忽分拆上有雙舅姑

無黃口兒不惜一身死忍增亡者悲身存嗣可續身死共餒而
感此易簧言冰蘖寧復辭北枝日已枯唯望南枝腴南枝雖云好
結子終成虛妾命無根草一萎感口詩非節四十年血食竟不保
傷哉黃泉下何以慰君子夕陽下孤墳颯颯悲風起

續掖縣志

卷四

藝文

詩

四

堅六六



